

քի ուղիորդած թանկարժեք լարերատերիային ներկայացված գերանի բնկորը, ամբողջ արսիդավոր սենյակի արևելյան պատի դռան բացվածքից, թվագրվել է մ. թ. 500 թ. (± 50 տարի)¹⁷։

Ինչ էլ որ լինի, Հաջավանի հին ամրոցը որոշակի հետաքրքրություն է ներկայացնում միջ-

նադարյան ամրոցաշինարարության, կլոր աշտարակներով սմտված ամրոցների ծագման համար, ինչպես նաև քիչ ուսումնասիրված՝ ուշ անտիկ և վաղ միջնադարյան նյութական մշակույթի բնութագրման համար։

Գ. ՏԻՐԱՅՅԱՆ

ԹԵՂՈՒՏԻ ԲՆԱԿԱՏԵՂԻ ՊԵՂՈՒՄՆԵՐԸ (1965 թ.)

Թեղուտի հանդամասը, որն ընկնում է էջմիածին քաղաքից երեք կիլոմետր հարավ, հնագիտությանը հայտնի էր որպես վաղ, միջին և ուշ բրոնզի ժամանակաշրջանի հետաքրքիր հուշարձաններ ունեցող վայր։

Վերջերս Թեղուտի հնագիտական կոմպլեքսը համալրվեց շատ արժեքավոր մշակութային նոր հուշարձանի հայտնաբերումով, որն իր տեսակի մեջ Սովետական Հայաստանի տերիտորիայում առայժմ միակն է։

Այդ նորահայտ բնակատեղին գտնվում է ՀՍՍՀ ԳԱ երկրագործական գիտահետազոտական ինստիտուտի փորձադաշտի հարավ-արևմտյան անկյունում, ոչ շատ բարձր բլրի վրա։ Բնակատեղին նախապես ունեցել է 2—2,5 հա տարածություն, իսկ այժմ նրա մի մասն է մնացել։

Բլրի մակերեսը ծածկված է 30—40 սմ հաստությամբ ունեցող ամուր կավաշերտով՝ որի տակ՝ 1—1,5 մ հաստության փխրուն կավահողի շերտում տեղավորված է աղյուսապատ և զետնափոր կացարանների հորիզոնը՝ նստած 2,5 մ հաստության գետնային խճաքարի շերտի վրա, այնուհետև մայր հողն է՝ կավային նրստվածքներով։

Շերտազրական տեսակետից կացարանները կառուցված կամ փորված են վերևից երկրորդ շերտի մեջ, Քասաղ գետի երկրորդ գետահունի վրա (այժմյան հունը չորրորդն է)։

Բնակատեղիի պեղված 8 կիսավեր և ամբողջական կացարանները մեկ առանձին կամ մի քանի կլոր հատակագծով բնակարանների կոմպլեքսներ են, որոնք տեղավորված են իրարից 5—7, որոշ դեպքերում՝ 0,7 մետր հեռավորության վրա։

Պեղված կացարանների ներքին տարածությունները լցված են մոխրի հետ խառնված փափուկ հողով, որի միջից հայտնաբերվեցին կայծքարե, վանակատե (օբսիդիան), բազալտե գործիքներ, ինչպես նաև ոսկրե ու խեցեղեն առարկաների բազմաթիվ բեկորներ։

Թեղուտի հյուղակները ունեն կլոր հատակագիծ՝ 2,6—3,5 մ տրամագծով, պատերը շարված են հարդախառն կավից պատրաստված ուղղանկյուն հարթ աղյուսի մի շարքով, որի հաստությունը չի անցնում 30 սմ-ից, Աղյուսները ունեն 30×40×10 սմ չափսեր։ Բնակարաններին կից կառուցված են կլոր հատակագծով օժանդակ շինությունները (1,2—1,5 մ տրամագծով), որոնք ծառայել են որպես ըշտեմարաններ հացահատիկ և այլ սննդամթերք ամբարելու համար։ Բնակարանների հատակները և պատերը ծեփված են հարդախառն կավաշաղախով, որի վրա երբեմն հանդիպում են կարմիր ներկի (օխրա) հետքեր (N° 1 կացարան)։

Ուշագրավ է այն, որ պեղված վայրում չհայտնաբերվեց բնակարանների դռների կրեկաքարեր կամ այդ նպատակով օգտագործված որևէ մի իր, ինչպես նաև շինարարական դետալ։ Բնակարանների մուտքի համար որպես գուռ թեղև ծառայել է եղեգնից, կաշվից կամ ծառի ճյուղերից գործած ծածկոցը։

Յուրաքանչյուր հյուղակի հատակին, կենտրոնական մասում, դրված էր միջին մեծության աշխատանքից հարթված մակերեսով մի գետաքար, որի շրջապատում հայտնաբերվել են քարե և ոսկրե թերի մշակված գործիքների բազմաթիվ բեկորներ։ Շատ ուշագրավ են կայծքարի 13 անավարտ շեղրիկները, որոնք համատեղ հայտնաբերվել են N° 7 կացարանում, վերը նշված քարի մոտ։ Այս փաստը հիմք է տալիս ենթադրելու, որ աշխատանքային գործիքները պատրաստվել են կացարանի ներսում, հենց այդ քարի վրա։ Կացարանների մեջ կատարվող աշխատանքային պրոցեսների նման պատկեր են տալիս նաև նախիջևանի Քյուլ-թափայի առաջին շերտի պեղումները, սակայն հնագետ Օ. Ա. Արիբուլաևը աշխատանքային այդ նախնական «զնդանը» համարում է բնակարանի ծածկը պահող սյան հենաքարը¹։

¹⁷ Ленинградское отделение Института Археологии АН СССР, Радиоуглеродная лаборатория, образец ЛЕ—667, обр. 365.

¹ О. А. Абубулаев, Некоторые итоги изучения холма Кюль-тепе в Азербайджане, «Советская археология», (այսուհետև՝ СА), 1963, № 3, էջ 158.

Պեղումների ընթացքում բնակարանների ներսում հայտնաբերվեցին նաև պատահական գետաքարերից պատրաստված օջախի հետքեր՝ մոխրի, փայտածուխի և այրված ոսկորների հարուստ կուտակումով (30—40 սմ հաստ.), ինչպես նաև հարդախառն կավից պատրաստված պաշտամունքային օջախի հենակներ:

Վերը նշած կլոր հատակագծով կացարանների նման կառույցներ հայտնաբերվել են Ղազախի՝ Բոյրե և Շոմու թեփեներում², Նախիջևանի Քյուլ-թափայի առաջին շերտում³, ինչպես և Հին Արևելքի մ. թ. ա. V—IV հազարամյակներով թվագրվող հուշարձաններում⁴:

Ինչպես հայտնի է, կլոր կացարանների տիպն ունի շատ հին շինարարական ավանդներ և առաջացել է օվալաձև հատակագիծ ունեցող գետնափոր կացարաններից:

Հին Երիթրոսում աղյուսաշեն կլոր կացարանների սկզբնավորումը գիտություն կողմից թվագրվում է նատուֆյան մշակույթի ժամանակաշրջանով (մ. թ. ա. VIII—VII հազարամյակներ):

Կլոր կացարանների շինարարական ավանդները հետազոտում շարունակվում են Հասսունայի մինչհալաֆյան ստորին ICS, Թեփե-Գավրայի XVI—XVII շերտերում⁵, ինչպես նաև Արփաչայում⁶ և հյուսիս-օրենդյան մշակութային ազդեցություն ունեցող հուշարձաններում⁷:

Ինչպես տեսնում ենք, առաջավոր Ասիայի և Հյուսիսային Միջագետքի բնակարանաշինարարական հնագույն ավանդները առկա են եղել նաև Հայկական լեռնաշխարհում, որն ունի զարգացած և հայաստանի նստակյաց վաղ երկրագործական տնտեսություն ունեցած տոհմերի նյութական մշակույթի զարգացման աստիճանը:

2 И. Г. Нариманов, Г. С. Исмаилов, Акстафачайские поселения близ г. Казах, СА, 1962, № 4, էջ 149:

3 О. А. Абнбулаев, նշվ. աշխ., էջ 157:

4 L. Perkins, The comparative archaeology of early Mesopotamia, Chicago, 1957, էջ 16—45:

5 Lloyd Seton and Safar Fuad, Tell Hassuna, „Journal of Near Eastern Studies“, 1945, IV, էջ 272:

6 Tobler Arthur J., Excavations at Tepe-Gawra, II, Philadelphia, 1950, էջ 41—44:

7 Г. Чайлд, Древнейший восток в свете новых раскопок. М., 1956, էջ 175: Ինչպես նաև L. Perkins, նշվ. աշխ., էջ 37—39:

8 В. М. Массон, Восточные параллели убаейдской культуры, КСИА, 1962, № 91, էջ 10:

և բնակարանների կառուցման ձևերը ուսումնասիրելու համար:

Ավելի ուշ, կլոր կացարանների կառուցման ավանդները լայն տարածում են ստանում Հայկական լեռնաշխարհի III հազարամյակի մշակույթում: Նման կացարանների կատարյալ ձևերը հայտնի են Շենգավիթի, Քյուլ-թափայի, Շրեշ-բլուրի, Նախիջևանի Քյուլ-թափայի երկրորդ շերտի և բազմաթիվ այլ հուշարձաններից:

Պեղված կացարաններից հայտնաբերված հրեղատակալի իրերն իրենց պատրաստման նյութով և ձևերով բազմազան են ու տարատեսակ: Դրանք քարե, ոսկրե և պղնձե աշխատանքային գործիքներ, խեցեղեն առարկաների բեկորներ են, ընդ որում նաև կավից պատրաստված կենդանու արձանիկ:

Կալծմաբե և վանակատե գործիքներ.— Սրանք պատրաստված են կոնաձև միջուկից անջատված շեղրիկներից, կոտրվածքում եռանիստ են կամ քառանիստ: Թափանցիկ, մոխրագույն, դարչնագույն, ծխագույն երանգներ ունեցող այս դանականման շեղրիկներից մի քանիսը ռետուշված են, իսկ հիմնական մասը զուրկ է ռետուշից: Վերջիններն ունեն սուր կտրող կողեր, որոնք աշխատանքի հետևանքով բթացել են ու փոքրիկ կոտրվածքներ ստացել (տե՛ս աղ. 1, նկ. 1—3), 3,4—7 սմ երկարության, 1,5—3 սմ լայնության ամբողջական և բեկորներով ներկայացված շեղրիկները օգտագործվել են տարբեր նպատակներով: Նրանց մի մասը՝ փոքրերը, ծառայել են որպես պահանգավոր, հավաքովի մանգաղների և գանակների ներդիրներ (աղ. 1, նկ. 4—8), իսկ մեծերը՝ որպես առանձին դանակներ (աղ. 1, նկ. 9—10): Ուշագրավ է, որ հայտնաբերված շեղրիկների մեծամասնությունը պահանգավոր դանակի կամ հավաքովի մանգաղի ներդիրներ են, որոնց կիրառման բնագավառը հիմնականում երկրագործությունն է: Իհարկե չի բացառվում նաև տնտեսական այլ նպատակների համար նրանց օգտագործումը:

Բազալտից պատրաստված գործիքներ: Աղորիքներ.— Սրանցից երկուսը գտնվել են բնակարանի ներսում և ունեն սկավառակաձև տեսք (աղ. 1, նկ. 11), 20—30 սմ լայնություն, 30—40 սմ երկարություն: Այս քարերի մի երեսը հարդարված է, հղկված, իսկ մյուս կողմը պահպանում է քարի բնական տեսքը: Մի այլ, ավելի մեծ չափի աղորիք անկանոն քառակուսի ձևի, հայտնաբերվեց կացարանից դուրս, բակի մասում:

Վառսանդներ.— Պատրաստված են գետաքարից, ունեն գլանի տեսք. մի ծայրը մշակված է, իսկ մյուսում պահպանված է քարի բնական վիճակը:



Աղ. 1

Մանրաց ետնիչներ.— Սրանք ևս պատրաստված են գետաքարից, ունեն կլոր գնդաձև անիվի տեսք, կենտրոնում արված է հորիզոնական միջանցիկ անցք (աղ. 1, նկ. 12)։

Բազալտից պատրաստված գործիքների մեջ առավել հետաքրքիր է բրիչը, որն ունի օվալաձև տեսք։ Նրա երկու երեսները հղկված են, կողերը կորեթարդ, գործիքի վերին լայնացող մասի վրա առկա է մի փոքրիկ փոսիկ, որն արված է, հա-

վանաբար, կոթին ամրացնելու նպատակով, Դրժ-րախտարար գործիքը ավարտուն չէ (տե՛ս աղ. 1, նկ. 13)։

Թեզուտի քարե ինդուստրիայի անբաժանելի մասն են կազմում նաև հրաբխային խարամից և գետաքարից պատրաստված կոկիչներն ու տրորիչները։ № 3 կացարանից հայտնաբերված վանակատն տրորիչը անկանոն ձևի փոքրիկ գետաքար է՝ վրան կարմիր ներկի մնացորդներով։

Ամանները հղկելու և փայլեցնելու համար օգտագործված կոկիչները պատրաստված են ոչ ծակոտկեն քարերից և ունեն խորանարդի ձև։

Քեղուտի քարե ինդուստրիան իր ուղղակի զուգահեռներն ունի Նախիջևանի Քյուլ-Յափայի առաջին շերտում⁹, Ղազախի հուշարձանում¹⁰, Վանի մոտ գտնվող Շամիրամալթի բլուր-բնակատեղիում¹¹, Գեոյ-Յեփեի — Մ շերտում¹², Պի-չիլի-Յեփեում¹³, Թեփե-Գավրայի 19—17 շերտերում¹⁴, ինչպես նաև հարավ-անատոլիական ուղ Նեոլիթյան և վաղ էնեոլիթյան բնակատեղիներում՝ Մերսին 24—23¹⁵, Չաթալ-Հույուկ¹⁶ և այլն։ Քեղուտի կայծքարե և վանակատե այս տիպի գործիքները ձևերի որոշ փոփոխություններով իրենց գոյությունը շարունակում են Հայկական լեռնաշխարհի III հազարամյակի վաղ բրոնզեդարյան մշակույթում։

Ոսկրե գործիքները պատրաստված են մանր և խոշոր անասունների սնամեջ ոսկորներից, որոնք իրենց նպատակային օգտագործմամբ բաժանվում են երկու խմբի։ Երկրագործական բրդիչներ, կայծքարե ու վանակատե դանակների պահանջներ և կենցաղային՝ ասեղներ, ծակիչներ, հերուններ, քերիչներ և այլն։ Երկրագործական գործիքներից ուշագրավ է խոշոր անասունի սրունքոսկրից պատրաստված բրդիչը, որի մի ծայրում պահպանված է ծայրաճանր (էպիֆիզ), իսկ հակառակ կողմը ջարդված է։ Մայրաճանից ներքև ոսկորի վրա արված են երեք փոքրիկ անցքեր, որոնք ծառայել են բրդիչ փայտյա բռնակին ամրացնելուն (աղ. I, նկ. 19)։

9 О. А. Абнбулаев, Раскопки холма Кюль-тепе близ Нахичевани в 1955, МИА № 67, 1959, էջ 449, աղ. I, նկ. 2—4; Ինչպես նաև նույնի նշվ. հոդվ., СА, 1963, № 3, էջ 159, նկ. 2—4։

10 И. Г. Нариманов, Г. С. Исмаилов, նշվ. աշխ., էջ 150, նկ. I, 6—7։

11 Խ. Սամվելյան, Հին Հայաստանի կուլտուրան, հատ. 1, Երևան, 1931, էջ 129 և նկ. 34, 10—12, 37, 17—21։

12 T. Burton Brown, Excavations in Azarbaijan, London, 1948, էջ 227—238։

13 Robert H. Dyson J. R. and Gouler Young J. R., The Solduz Valley Iran: Pisdell Tepe, Antiquity, 1960, № 133, ներդիր № III։

14 Tobler Arthur J., նշվ. աշխ., էջ 200, ներդիր XCIII 1—4, CLXXXVI 1։

15 J. Garstang, Prehistoric Mersin, Oxford, 1953, էջ 51։

16 J. Mellaart, Excavations at Catal-Huyuk, „Anatolian studies“, 1962, vol. XII, 1964, vol. XIV, էջ 108—112։

Նմանատիպ ոսկրե գործիք հայտնաբերվել է Աղստևի բնակատեղիում։

Մյուս բրդիչ երկարավուն (18 սմ) բարակ շեղրիկ է, որի աշխատող սուր ծայրը բթացել է։ Մյուս ծայրը, որտեղ ըստ երևույթին պահպանված է եղել ծայրաճանր, ջարդված է։ Նման գործիքները կիրառվել են երկրագործական ամենատարբեր նպատակներով (աղ. I, նկ. 20)։

Ոսկրե գործիքների մեջ շատ մեծ հետաքրքրություն է ներկայացնում № 7 կացարանին կից փոքրիկ հորի միջից հայտնաբերված կայծքարե ներդիր ունեցող պահանջավոր դանակը։ Ոսկրե պահանջի մի ծայրը թեք կտրված է, կայծքարի ներդիրի երկարությունը համապատասխան (7 սմ) կտրվածքով փորված ու խորացված է, որպեսզի ներդիրը տեղավորվի նրա մեջ։ Կայծքարը ոսկրե պահանջի հետ ամրացված է բիտումով։ Պահանջավոր այս դանակը պատրաստված է անասունի կողոսկրից, ունի 18 սմ երկարություն, 5,7 սմ լայնություն (աղ. I, նկ. 21)։

Ոսկրե պահանջավոր ուղիղ դանակը ինչպես Հին Արևելքի, այնպես էլ Քեղուտի երկրագործների կողմից օգտագործվել է որպես կտրող բերքահավաքի գործիք։ Այն օգտագործվել է նաև փայտ, միս, կաշի կտրելու և այլ նպատակների համար։ Ոսկրե բրդիչի և այս պահանջավոր դանակի նման գործիքներ հայտնի են իրանական Աղբորեջանի Սուլուզի հովտի Պիչիլի-Յեփեից¹⁸։

Կենցաղային գործիքները ևս պատրաստված են կենդանու սնամեջ ոսկորների կտորներից, ունեն լավ մշակված մակերեսներ։ Ոսկրե այս գործիքների մեջ ամենից մեծաքանակը ծակիչներն են։ Սրանց աշխատող ծայրը լավ սրված է ու մշակված, իսկ հակառակ կողմը հաստ է և հաճախ պահպանված է ծայրաճանր։ 5—10 սմ երկարության ծակիչները կոտրվածքում ունեն կլոր, օվալաձև կամ աղեղնաձև տեսք (աղ. I, նկ. 14, 22)։

Ասեղներ.— Սրանց մի ծայրը լավ սրված է, իրանը բարակ է և հղկված, մյուս ծայրը լայն է, թիականման, վրան կա անցք՝ թել անցկացնելու համար։ Ասեղները կտրվածքում կլոր, օվալաձև և քառակող են։ Ունեն 7—10 սմ երկարություն (աղ. I, նկ. 18)։

Շփաւեղներ.— Սրանք իրենց կառուցվածքային ձևով նման են ասեղներին, սակայն վերիւթիականման մասում անցք չունեն, կտրվածքում

17 И. Г. Нариманов, Г. С. Исмаилов, նշվ. աշխ., էջ 150, նկ. 1—2։

18 Robert H. Dyson J. R. and T. Gouler Young, նշվ. աշխ., ներդիր III։

նույնպես օվալաձև են և քառակող, Ունեն 5—8 սմ երկարություն (աղ. 1, նկ. 15—23):

Հետազոտություն (8—10 սմ) համահամար րարակ իրանով, մի ծայրը սուր, մյուսը հաստացող, լավ հղկված ոսկրե այս գործիքները Քեղուտի երկրագործների կողմից օգտագործվել են հագուստ և այլ պարագաներ գործելու համար (աղ. 1, նկ. 16):

Քերիչը պատրաստված է կենդանու թիակուկից, ունի երկարություն օվալաձև տեսք (15×7×0,5), կողերը հղկված են, Ոսկրե քերիչը օգտագործվել է ինչպես կավից պատրաստված իրերը հղկելու, այնպես էլ կաշին մազերից մաքրելու և շորացման հետևանքով նրա վրա առաջացած կոշտուկները հարգարելու համար:

Քեղուտի ոսկրե այս գործիքներն իրենց զուգահեռներն ունեն ինչպես Հայկական լեռնաշխարհի՝ Ղազախի¹⁹, Նախիջևանի Քյուլ-Քափա-յի²⁰, Վանի հուշարձաններում²¹, այնպես էլ Իրանական սարահարթի Գեոյ-Քեփե, Պիշիլի-Քեփե²², Իրաքի ու Հյուսիսային Միջագետքի հալաֆյան և օրեյգյան հուշարձաններում²³, ինչպես նաև հարավ-անատոլիական Մերսին²⁴ բլուրքնակատեղիների վաղ շերտերում և բազմաթիվ այլ վայրերում: Այնուհետև նրանք իրենց գո-

նե, իսկ մեկը ոռմբաձև ինչ որ իր է, նման են տասլաքի կամ դանակի շեղքի:

Ասեղների բեկորներից մեկը քառակող է, ունի 1,5 սմ երկարություն, մի կողմը կոտրված է, այդտեղ նկատվում է անցքի հետքը, մյուսը՝ սրված: Երկրորդ բեկորը կլոր իրանով, մի ծայրը սուր, մյուսը հաստացող ասեղի մաս է, 4 սմ երկարությամբ:

Պղնձյա ոռմբաձև իրն ունի 4 սմ երկարություն, 1,5 սմ լայնություն, ծայրերը նեղ են, կլորացող, իսկ կենտրոնը՝ լայն (աղ. IV, նկ. 3):

Պղնձյա այս գործիքների քիմիական անալիզները, որոնք կատարվել են Բաքվում պրոֆ. Ի. Ռ. Սելիմխանովի կողմից, ցույց տվեցին, որ դրանց նյութը մաքուր պղինձ չէ, այն իր մեջ պարունակում է մկնդեղային խառնուրդ: Ստորև բերվում են Քեղուտի քառակող ասեղի անալիզի արդյունքները:

Պղնձե գործիքների առկայությունը Քեղուտի հուշարձանում խոշոր նշանակություն ունի ինչպես Հայաստանի, այնպես էլ Անդրկովկասի վաղ երկրագործությամբ զբաղվող ժողովուրդների տնտեսության առավել կարևոր ճյուղերի ուսումնասիրության համար: Նախիջևանի Քյուլ-Քափայում²⁶, Վանում²⁷, Գեոյ-Քեփեի — Մ շեր-

Առարկան	Պարունակությունը տոկոսներով													
	Cu	Sn	Pb	Zn	As	Sb	Ag	Au	Bi	Ni	Co	Fe	Mo	P
Քառակող ասեղ, բաշը՝ 1,7 գր.	0,02	0,07	—	3,6	0	0,18	0	0,25	0,1	0	0,05	0	0	0

յությունը շարունակում են վաղ բրոնզեդարյան (քուր-արաքսյան էնեոլիթյան) տնտեսության մեջ՝ Շենգավիթ, Շրեշ-բլուր, էլար և այլուր²⁵, Բաքի քարե և ոսկրե գործիքներից, պեղումների ժամանակ հայտնաբերվեցին նաև պղնձյա իրեր: Սրանցից երկուսը ասեղների բեկորներ

սում²⁸, Քեփե-Գավրայի XV—XIV դդ. շերտում²⁹ և հալաֆյան ու օրեյգյան մշակութային հուշարձաններում նույնպես հայտնաբերվել են պղնձյա փոքրիկ, շատ սահմանափակ թվով իրեր, որոնք իրենց գոյությունով ազդարարում են Առաջավոր Արևելքում մետաղամշակության արշալույսի մասին: Արարատյան դաշտի կենտրոնում, վաղնջական ժամանակաշրջանի հուշարձանում պղնձյա իրերի գոյությունը ցույց է տալիս, որ նախապատմական խոր անցյալում Արարատյան դաշտը մտել է մետաղագործությամբ

¹⁹ Н. Г. Нариманов, Г. С. Исмаилов, *նշվ. աշխ.*, էջ 150, նկ. 1—2:

²⁰ О. А. Абнбулаев, *նշվ. աշխ.*, էջ 161:

²¹ Խ. Սամվելյան, *նշվ. աշխ.*, նկ. 37:

²² Robert H. Dyson J. R. and Gouber Young, *նշվ. աշխ.*, ներդիր III:

²³ В. М. Массон, *Средняя Азия и Древний Восток*, М.—Л., 1964, էջ 236:

²⁴ J. Garstang, *նշվ. աշխ.*, էջ 41:

²⁵ Եվ. Բայրուրյան, Աշխատանքային գործիքները Հին Հայաստանում, ՀԽՍՀ պատմության և գրականության ինստիտուտի «Տեղեկագիր», 1-ին գիրք, 1938, էջ 62:

²⁶ О. А. Абнбулаев, *նշվ. աշխ.*, СА, 1963, № 3, էջ 162, նկ. 4, 1—4:

²⁷ A. Jenny, Schamiramalt, „Prehistorische Zeitschrift“, XIX, № 3—14, Berlin, էջ 293—96: Խ. Սամվելյան, *նշվ. աշխ.*, էջ 134—36, նկ. 41—43:

²⁸ Burton Brown, *նշվ. աշխ.*, էջ 216:

²⁹ Arthur Tobler, *նշվ. աշխ.*, էջ 85:

զրադվող ժողովուրդների մշակութային արեալի մեջ,

Պեղումների հետևանքով հայտնաբերված նյութական մշակույթի մնացորդների մեջ ամենից մեծաքանակն ու ամենահետաքրքիրը խեցեղեն առարկաների բեկորներն են, որոնք իրենց կավաշաղախով, պատրաստման տեխնիկայով ու մշակումով տարբերվում են Սովետական Հայաստանի տերիտորիայում մինչ այժմ հայտնի խեցեղենից: Նրանք շատ կոպիտ են ու հասարակ, պատրաստված են ձեռքով, ունեն դեղին, դեղնականաչավուն, շագանակադույն, ինչպես նաև կարմիր տարբեր երանգներով մակերեսներ, անհավասար ջերմաստիճանում թրծման հետևանքով ներսի և դրսի մակերեսների վրա առաջացել են գունային տարբեր երանգներ, իսկ միջուկները սև են կամ գորշ, ավելի մոտ կավի բնական դույնին: Մուգ կանաչ և բաց դույնները արդյունք են թրծման բարձր ջերմաստիճանի:

Ըստ կավաշաղախի բաղադրության խեցեղենը կարելի է բաժանել երեք խմբի.

ա) հարդախառն կավից պատրաստված ամաններ,

բ) ավազախառն կավից պատրաստված ամաններ,

գ) մաքուր, որևէ խառնուրդ չպարունակող կավից պատրաստված ամաններ:

Հարդախառն և ավազախառն կավաշաղախ ունեցող ամանների մակերեսները երեսպատված են մաքուր կավով. նրանց մեջ նկատվում են բուսական մնացորդների հետքեր, որոնք առաջացել են թրծման ժամանակ օրգանական նյութերի այրման հետևանքով: Արտաքին մակերեսները թեև հարդարված են ձեռքով կամ թաց շորով, երբեմն փայլեցված են կոկիչի միջոցով, բայց այնուամենայնիվ անհարթ են և խորդուրդ, մատերի ու թաց լաթի հետքերով:

Պեղումների ժամանակ թեև ամրողջական կավամաններ չհայտնաբերվեցին, բայց մեծ րեկորների օգնությամբ կարելի է վերականգնել կարասների, տարբեր մեծության կճուճների, խոր և ոչ խոր թասերի, ինչպես նաև կարճ կորնթարդ կողերով, լայն հարթ հատակով տապակարանների ու այլ անոթների ձևերը:

Կարասները պատրաստված են գերազանցապես հարդախառն կավից, ունեն հաստ կողեր, գլանաձև կամ եռակող դուրս ճկված շուրթեր, ուռուցիկ փքուն իրան: Արտաքին մակերեսները երեսպատված են դեղին, բաց դեղնականաչավուն գույնի, մանրացված հարդի հետ խառնված կավով, իսկ ներսը երեսպատված է կարմրավուն կավով, որը հղկված է փայտյա կամ ոսկրե

քերիչով, իսկ արտաքին մակերեսները հարդարված են կոկիչով:

Կարասներից մեկի իրանի ուսերը զարդարված են կետավոր խաչապատկեր զարդով, որ արված է սեղմելով, իսկ նույն կարասի ներսում պահպանվել են կարմիր ներկի մնացորդներ:

Կճուճներն ունեն ուղիղ կտրված, գլանաձև բարձր վիզ, կլոր գնդաձև իրան, հարթ, երբեմն էլ կլոր հատակ: Այս անկանթ կճուճների արտաքին և ներքին մակերեսները նույնպես երեսպատված են բուսական խառնուրդ պարունակող կավով, հղկված են ձեռքով կամ թաց խոտի միջոցով, իսկ մի քանի բեկորները հղկված են կոկիչով: Բաց դարչնագույն, կարմիր գույնի կճուճների արտաքին մակերեսները կրակի վրա գրվելու հետևանքով խիստ մրոտված են, իսկ մեկի իրանի ուսերը ինչ-որ սուր գործիքի միջոցով զարդարված են սեղմումով արված կետավոր զարդով (աղ. II, նկ. 1, 6):


Խոր թասերը (քրեղաններ) ունեն քիչ կորնթարդ, հատակի մասում սեղմված կողեր, ուղիղ կտրած շուրթ, հարթ հատակ, ներսի և դրսի մակերեսները նույնպես երեսպատված են մաքուր կավով և հղկված են թաց շորի կամ խոտի միջոցով: Նրանց մակերեսներին նկատվում են ավազի խոշոր հատիկներ:

Բաց թասերն ունեն նուրբ ներձկված շուրթ, կողերը կորնթարդ իջնում են դեպի կլոր հատակ: Սրանք իրենց տեսքով ավելի նուրբ են ու ավելի լավ մշակված: Նրանցից մի քանիսը զարդարված են սեղմելու եղանակով արված կետավոր զարդով, իսկ մի քանի փոքրիկ թասերի հատակներին ներսի կողմից արված է փոքրիկ շրջանաձև փոսիկ (աղ. II, նկ. 7):

Տապակարանները լայն հարթ հատակով, դեպի ներս ճկված կորնթարդ կամ դուրս ճկված ցածր կողերով, անմշակ կավից պատրաստված ամաններ են, որոնց արտաքին մակերեսները խիստ ճաքճքված ու մրոտված են, իսկ ներսի կողմը հարդարված է կոկիչով: Շուրթերից ցած, կողերի վրա մի շարքով կան մանր անցքեր, իսկ շուրթին կպցված է դեպի ներս թեքված խոշոր ու կոպիտ կանթաձև ելուստը՝ բռնակը: Այս տիպի ամանների բեկորները մեծ մասամբ հայտնաբերվում էին օջախների մոտ և իրենց չափերով ու ձևերով հիշեցնում են հաց թխելու համար օգտագործվող ամանները (սաջերը):


Նույնատիպ հարդախառն ու ավազախառն կավից պատրաստված ամաններ հայտնի են Հայկական լեռնաշխարհի Ղազախ³⁰, Նախիջևանի

30 И. Г. Нариманов, Г. С. Исмайл-лов, *Узл. арх.*, էջ 169:




0 3


1




2 2 1




0 1



4 2




2 1



0 2

4



0 2

2

В. II

Քյուլ-Քափայի³¹, Մուգանի տափառտանի³², Վանի³³, Մուշի, Խարրերդ-Մալաթիա-ի հուշար-
ձաններից³⁴, ինչպես նաև Իրանական սարահար-
թի Գեոյ-Քեփեի — Մ շերտից, Պիշիլի-Քեփեի³⁵,
Թեփե-Գավրայի 20—17-րդ շերտից³⁶, Հյուսիսա-
յին Միջագետքից³⁷, և Առաջավոր Արևելքի բազ-
մաթիվ այլ հուշարձաններից:

Հարգախառն և ավագախառն կավից պատ-
րաստված խեցեղենը մեծ հետաքրքրություն է
առաջացնում նաև իր պատրաստման տեխնի-
կայով ու ձևերով: Կավամանների մեծ մասը
պատրաստված է ավազով լցված պարկի կամ
ծղոտից գործած սալաների վրա, կավը ծեփելու
եղանակով կամ կավաշաղախի բարակ ժապա-
վենաձև գանգվածները իրար վրա զնելու և ձեռ-
քով հարթելու միջոցով (աղ. IV, նկ. 1, 2):

Կավամանների պատրաստման այս հնագույն
մեթոդները հայտնի են գեոևս հին Եգիպտոսի ու
Միջագետքից մ. թ. ա. V—IV հազարամյակ-
ներում, Թել-Հալաֆում³⁸, ինչպես նաև Սիրիա-
կիլիկյան նեոլիթյան հուշարձաններում, Մեր-
սինի XXVI շերտում³⁹, Անդրկովկասում գործ-
վածքի դրոշմներով կավամանների բեկորներ
հայտնաբերվել են Կիլիկ-դաղում⁴⁰, Աղստեի
բնակատեղիում⁴¹:

Սաքուր կավից պատրաստված ամանները ներ-
կայացված են շատ սահմանափակ քանակով և
ձևերով: Առանց կանթերի փոքրիկ գավաթները,
տակառած ամանները, բարձր վզով գեղեցիկ
սափորներն ունեն բաց դարչնագույն, դեղնա-
կարմրավուն և կաթնագույնի մակերեսներ,
բարձրորակ թրծման և տքնաչան մշակման հե-
տևանքով նրանք ստացել են շքեղ տեսք:

³¹ О. А. Абнбулаев, *Եշվ. աշխ.*, СА, 1963, № 3, էջ 162—163:

³² А. А. Нессен, Из исторического прош-
лого Мильско-Карабахской степи, МИА, № 125, էջ 12:

³³ Խ. Սամվելյան, *Եշվ. աշխ.*, էջ 135:

³⁴ С. А. Burney, Eastern Anatolia in
the chalcolitic and early bronze age, „Ana-
tolian studies“, vol. VIII, էջ 160—161:

³⁵ Robert H. Dyson J. R. and Gou-
ler Young, *Եշվ. աշխ.*, էջ 24:

³⁶ Tobler Arthur, *Եշվ. աշխ.*, էջ 131—135:

³⁷ L. Perkins, *Եշվ. աշխ.*, էջ 22:

³⁸ V. Oppenheim, Tell-Halaf, I, Ber-
lin, 1943, տախտ. XXV, № 6, 9:

³⁹ J. Garstang, *Եշվ. աշխ.*, էջ 19 և
նկ. 7, № 10:

⁴⁰ Б. Куфтин, Триалети, Тбилиси, 1941,
էջ 107:

⁴¹ Н. Г. Нариманов, Г. С. Исмай-
лов, *Եշվ. աշխ.*, էջ 151:

Սափորներն ունեն բարակ, նուրբ դուրս ճրկ-
ված շուրթ, բարձր գլանաձև բերանի մասում
լայնացող վիզ, ուռուցիկ երկարավուն իրան,
փոքրիկ հարթ հատակ (տե՛ս աղ. II, նկ. 2, 4):

Գավաթները բարակ, նուրբ դուրս ճկված շուր-
թով, երկթեք իրանով, փոքրիկ հարթ հատակով
ամաններ են, որոնց մակերեսները խնամքով
կոկված ու փայլեցված են (աղ. II, նկ. 3): Տա-
կառած ամանը ունի փոքրիկ հարթ հատակ,
Արտաքին մակերեսը փայլեցված է, իսկ ներսի
մասում նկատվում են կավաշաղախի իրար վրա
դրված շերտերը (աղ. II, նկ. 5):

Շքեղ տեսքով, անգարդ խեցեղենի նմուշները
իրենց կառուցվածքով ու մշակման կատարելու-
թյամբ առանձնանում են հուշարձանի մասսայա-
կան կավամաններից և աղերսվում են ուշ հա-
լաֆյան և հյուսիս-օրենյոյան մշակութային հու-
շարձաններից հայտնի կավամանների հետ:
Նման կավամաններ մենք տեսնում ենք Թել-
Հալաֆում⁴², Մերսինի հալաֆյան (19-րդ) շեր-
տում⁴³ և Շամիրամալթիում⁴⁴:

Այս տիպի խեցեղենը, ինչպես տեսնում ենք,
չի ընդհանրացվում Թեղուտի հուշարձանի մաս-
սայական խեցեղենի հետ և ըստ երևույթին այս-
տեղ է թափանցել հյուսիս-միջագետքյան հու-
շարձաններից:

Պետք է նշել, որ Թեղուտի հուշարձանի խեցե-
ղեն իրերի մեջ հայտնաբերվեցին նաև սև գույնի
ավագախառն կավից պատրաստված կավաման-
ների շատ սահմանափակ թվով բեկորներ, որոնք
իրենց կառուցվածքային ձևերով հիշեցնում են
Հայկական լեռնաշխարհի վաղ բրոնզեդարյան
խեցեղենը: Սակայն նրանք չունեն կավաշա-
ղախի մշակման և կավամանների պատրաստման
այն կատարելությունը, որը հատուկ է Շենգավի-
թի, Քյուլ-Քափայի, Շրեշ-բուրի խեցեղենին:

Նրանք ներկայացված են մի քանի բեկորնե-
րով, որոնցից լայնաբերան կճուճի մասերն ու-
նեն բարձր գլանաձև վիզ, թույլ երկացող շուր-
թի պսակ, իրանը վզի մոտից լայնանալով իջ-
նում է դեպի փոքրիկ հատակը: Արտաքին մա-
կերեսը հարդարված է թաց շորի օղնությամբ,
կոտրվածքում անհավասար թրծման հետևանքով
ունի մուգ գույն: Մյուս բեկորը ամանի իրանի
մաս է, որի վրա նկատվում են սեղմումով ար-
ված զարդեր, իսկ երրորդը փոքրիկ կճուճի ներ-
ճրկված հատակի մաս է:

Թեղուտում վերը նշված խեցեղենի հայտնա-
բերումը մեզ թույլ է տալիս ենթադրելու, որ

⁴² V. Oppenheim, *Եշվ. աշխ.*, տախտ. XIV, № 11 և XXV, № 1, 2:

⁴³ J. Garstang, *Եշվ. աշխ.*, նկ. 72, № 22:

⁴⁴ Խ. Սամվելյան, *Եշվ. աշխ.*, էջ 135:

մ. թ. ա. III հազարամյակում մեծ կատարելության հասած խեցեղենը սկիզբ է առնում IV հազարամյակի ինչ որ մի հատվածում, Հայկական լեռնաշխարհում, արդեն նստակյաց երկրագործությունը և անասնապահությունը զբաղվող ցեղերի մոտ: Նոր փաստերի ու նյութերի հետագա լրացուցիչ ուսումնասիրությունը կարելի է հաստատել, որ Արարատյան դաշտը այս խեցեղենի արտադրության ամենահին օջախն է:

Պեղումների հետևանքով հայտնաբերվեցին նաև վաղնջական ժամանակների երկրագործությունը զբաղվող ժողովուրդներին հատուկ, Առաջավոր Ասիայում և Հին Արևելքում լայն տարածում գտած գունազարդ կավամանների բեկորներ: Սրանք կարելի է բաժանել երկու խմբի՝ ալազախառն ու մաքուր կավից պատրաստված գունազարդ ամանների բեկորներ և հարդախառն կավից պատրաստված ամանների բեկորներ:

Ալազախառն կավից պատրաստված գունազարդ բեկորներն իրենց բնորոշ կառուցվածքային ձևերով ու կավամանի մակերեսների մշակման կատարելությունը շեն առանձնանում հուշարձանի մասսայական խեցեղենից: Նրանց դարչնագույն, բաց կարմիր երեսպատված մակերեսներին սև կամ մուգ դարչնագույն ներկով արված են բավականին բարդ դարդարանքներ: Գունազարդ բեկորներից երկուսը առանց շուրթի, պսակի բարձր վզով, ուռուցիկ իրանով կճուճների մասեր են, որոնց վիզը զարդարված է վերևից ներքև իջնող ալիքաձև սև գծերով, իսկ իրանների ուսերը՝ ուժեղացված քառակուսիների շարքով, որոնք լցված են ցանցապատկեր գծերով (աղ. III, նկ. 1, 2):

Բաց կարմրավուն ալազախառն կավից պատրաստված մի այլ փոքրիկ ամանի վիզը և իրանի ուսերը զարդարված են հորիզոնական լայն, փայլուն կարմիր գույնի ժապավենով, որից ներքև են իջնում մի քանի ուղիղ հաստ կարմիր գծեր, ամանին տալով շքեղ տեսք (աղ. III, նկ. 3): Նույնպիսի մի այլ փոքրիկ կավամանի բաց կարմրավուն մակերեսը զարդարված է փայլուն կարմիր ներկով արված կախված կիսաօղակների շարքով (աղ. III, նկ. 4—8):

Այս գունազարդ կավամանների զարդամոտիվներն իրենց համադրման ատաղձն ունեն վանի⁴⁵, Հալաֆի⁴⁶, Խարբերդ-Մալաթիայի⁴⁷, Կիլիկիայի Յումուկ-թեփե — 2148 և այլ հուշարձաններում:

⁴⁵ Խ. Սամվելյան, Նշվ. աշխ., նկ. 42, № 5, 6:

⁴⁶ V. Oppenheim, Նշվ. աշխ., տախտ. XXII, № 14 և IX, № 3:

⁴⁷ C. A. Burney, Նշվ. աշխ., էջ 116, նկ. 2:

⁴⁸ J. Garstang, Նշվ. աշխ., էջ 89, նկ. 53, № 2:

Ալազախառն գունազարդ կավամանների բեկորների մեջ առանձնակի տեղ է զբաղում դեղնակաթնավուն երեսպատված համահավասար թրծված բեկորը: Նրա արտաքին մակերեսն ապակեման հարթ է և փայլուն, վրան սև ներկով նկարված է հորիզոնական դիրքով ուժեղ, ըստ երևույթի ուժեղ շարք է եղել, որը չի պահպանվել: Այս բեկորը ոչ մի ընդհանրություն չունի հուշարձանի մյուս խեցեղենի հետ և իր որակով կապվում է հալաֆյան և հյուսիս-օրենյան մշակույթին⁴⁹ (աղ. III, նկ. 9):

Գունազարդ խեցեղենի նմուշների մեջ բավական մեծաքանակ են նաև հարդախառն կավից պատրաստված կավամանների բեկորները: Նրանք ունեն համահավասար թրծվածք, արտաքին մակերեսները երեսպատված են մանրացված հարդի հետ խառնված դեղին, դեղնակաթնավուն ծածկոցով, որոնց վրա սև ներկով տարված են վերևից ներքև իջնող ալիքաձև գծեր:


Բացի վրձինի օգնությամբ արված գունազարդումներից, թեղուտի երկրագործները կավամանների վրա ներկ են քսել նաև քարե կոկիչով: Այդ են վկայում ինչպես կավամանների մի քանի բեկորների վրա եղած գունազարդումների հետքերը, այնպես էլ կարմիր ներկի մնացորդների հետքով կոկիչները:

Թեղուտի գունազարդ կերամիկայի զարդամոտիվների ընդհանուր կոմպլեքսում ընդգծվում է մշակութային երկու ուղղությունների առկայությունը. մի կողմից ակնհայտ է տեղական էնեոլիթյան խեցեղենը իր ուրույն զարդամոտիվներով, մյուս կողմից առկա են հյուսիս-միջագետքյան մշակույթին հատուկ զարդամոտիվները: Նման հանգամանքը նկատի ունենալը անշուշտ կնպաստի հուշարձանի թվագրման գործին:

Կավը թեղուտի բնակիչները օգտագործել են ոչ միայն բնակարաններ կառուցելու, կավամաններ պատրաստելու, այլև պաշտամունքային օջախի հենակներ ու կենդանիների արձանիկներ պատրաստելու համար: Այդ են վկայում № 7 կացարանից հայտնաբերված պաշտամունքային օջախի հենակները և № 3 կացարանում գտնված կենդանու փոքրիկ արձանիկը (աղ. I, նկ. 24):

Թեղուտի հուշարձանի թվագրման համար կարևոր նշանակություն ունի նրա հնագիտական մնացորդների՝ խեցեղենի, ալիքաձևաքային գործիքների, բնակարանային կոմպլեքսների համադրումը Հայկական լեռնաշխարհի ու նրա շրջապատի մշակութային հուշարձանների հետ: Մուշագրավ է, որ Թեղուտի խեցեղենի որոշ մասը՝ շքեղ սափորներն ու բարձրորակ գունազարդ իրերը, իրենց պատրաստման ձևով, մշակումով,

⁴⁹ L. Perkins, Նշվ. աշխ., նկ. 5, № 18:



Աղ. III

կատարելագործման աստիճանով ու զարդամոտիվներով համապատասխանում են գիտության կողմից V հազարամյակով թվագրվող հալաֆյան մշակույթին: Հալաֆյան խեցեղենի բեկորներ, նույնպես սահմանափակ քանակով, հայտնաբերվել է նաև Նախիջևանի Քյուլ-Քափայի առաջին շերտից, որտեղ 18—20 մ խորությունից վերցված ածուխը լենինգրադի հնագիտության ինստիտուտի լաբորատորիայի անալիզներով տվել է այդ շերտի հետևյալ թվագրումը՝ ՄԷ 477—5770—90 տարի, այսինքն 3807—90 թթ. յ. թ. ա.⁵⁰:


Հալաֆյան մշակութային մյուս հուշարձանը Հայաստանում Շամիրամալթին է՝ Վանա լճի

ափին, որի երրորդ շերտը ուսումնասիրողների կողմից ճանաչված է որպես տիպիկ հալաֆյան մշակույթ⁵¹:

Այնուհետև ուշագրավ է Թեղուտի հուշարձանի և հյուսիս-օրենյան մշակութային ազդեցություն ունեցող հուշարձանների հնագիտական մնացորդների համադրումը: Թեղուտից հայտնաբերված հարդախառն, լավ թրծված խեցեղենը, ինչպես նաև րնակարանաշինարարական ձևերն իրենց ուղղակի զուգահեռներն ունեն Թեփե-Գավրայի

⁵¹ R. Braidwood, B. Howe, Prehistoric Investigations in Iraqi Kurdistan, Chicago, 1960, էջ 93, J. Mellaart, Earliest civilizations of Near East, 1965, էջ 120 և ուրիշներ:

⁵⁰ A. A. Нессен, Եղվ. աշխ., էջ 12:



Աղ. IV

ՎՄԻ—ՎՄԻՂ դդ. շերտերում, որոնք թվագրված են որպես հալաֆյան մշակույթից օրեյդյանին անցման շրջանի շերտեր։ Սրանց թվագրումը ուղիղ կարրոն 14-ի մեթոդով ունի հետևյալ թվականը՝ 3446—32552:

Անցնելով հյուսիս-օրեյդյան այլ հուշարձանների համադրմանը, պետք է նշել Իրանական սարահարթում Սուլդուզի հովտում գտնվող Պի-չիլի-թեփեն, որի հնագիտական մնացորդները գիտության կողմից ճանաչված են որպես ուշ հալաֆյան և վաղ օրեյդյան ժամանակաշրջանի մշակույթ։ Նրա խեցեղենի բազմաթիվ նմուշները և աշխատանքային գործիքները հար և նման են

Թեղուտից հայտնաբերվածներին։ Հետաքրքիր է, որ Պիչիլի-թեփենի ուղիղ կարրոն 14-ի անալիզը տվել է 3500—160 թթ. մ. թ. ա.53:

Իրանական սարահարթում այս ժամանակաշրջանի մյուս հուշարձանը Գեոյ-թեփեն—Մ շերտն է. որը գիտության կողմից ժամանակագրված է Իրաքի հյուսիս-օրեյդյան հուշարձանների հետ։ Այստեղ էլ հայտնաբերվել են Թեղուտի խեցեղենին և աշխատանքային գործիքներին նման առարկաներ, ինչպես քարից. այնպես էլ պղնձից։

Արարատյան դաշտում, բացի Թեղուտի բնակատեղիից, հարդախառն խեցեղենի նմուշներ հայտնաբերվեցին նաև էջմիածնի Քյուլ-թափայի

⁵² Robert H. Dyson J. R. and Goulet Young, Պշվ. աշխ., էջ 26:

⁵³ Նույն տեղում, էջ 26:

տերիտորիայից, Մադկունք գյուղի մոտ գտնվող Մրխլ-թափա կոչվող բուր-բնակատեղիից, Զրվարթնոցի շրջակայքից, Վ. Խաթունարի գյուղի հյուսիսային մասի աղուտային հողերի տերիտորիայից և այլ վայրերից:

Ինչպես տեսնում ենք, V—IV հազարամյակներում Հայկական լեռնաշխարհի այն վայրերը, որտեղ բնակչության պայմանները հնարավորություններ են ընձեռել վաղ երկրագործական տնտեսության կազմակերպման համար, ըզրազեցված են եղել նստակյաց արտադրող երկրագործությամբ և անասնապահությամբ զբաղված տոհմերի կողմից, որոնք կապերի մեջ են եղել հյուսիս-միջագետքյան և օրենյան ցեղերի ու տոհմերի հետ, կազմելով Առաջավոր Արևելքի վաղ երկրագործական մշակույթի անբաժանելի մասը: Սակայն, ինչպես ճիշտ նկատում է Հ. Ա. Մարտիրոսյանը, Հայկական լեռնաշ-

խարհի այս ժամանակաշրջանի մշակույթը չի կրկնում առաջավորասիականը, այլ ներկայացնում է միասնական զարգացման բազմաթիվ ինքնուրույն գծեր ունեցող տնտեսական ամբողջություն, որը իր հետագա զարգացման նոր ուղի է գտնում մ. թ. ա. III հազարամյակի բարձր զարգացման հասած մշակույթում:

Նլնելով հնագիտության կողմից լավ ճանաչված ու ժամանակագրված առաջավորասիական մշակութային վերը նշված կենտրոնների հետ Թեղուտի հուշարձանի նյութերի համադրումից, մենք կարող ենք ասել, որ բնակատեղին գոյություն է ունեցել ուշ հալաֆյան և հյուսիս-օրենյան մշակութային երկարատև ժամանակաշրջանի ինչ որ մի հատվածում, այսինքն մ. թ. ա. V հազարամյակի վերջում և IV հազարամյակի կեսին:

Ռ. ԹՈՐՈՍՅԱՆ

ՀԱՅԱԳԻՏՈՒԹՅՈՒՆԸ ՀՈՒՆԳԱՐԻԱՅՈՒՄ

Հունգարիայի ակադեմիան շուրջ արևելագիտական ինստիտուտի Արևելագիտության, այդ թվում նաև հայագիտության ուսումնասիրությունը իրականացվում է Բուդապեշտի համալսարանում: Հայագիտության ուսումնասիրությունը արտասահմանում սովորաբար տարվում է մշակույթի և արվեստի պատմության կամ հեղեղ-բողոքագիտության հետ միասին: Սակայն մեզ մոտ, Հունգարիայում, հայագիտությամբ զբաղվում ենք այլ նպատակներով, քան մյուս երկրներում: Հայագիտության վերականգնանքումը Հունգարիայում վերջին տասնամյակներում պայմանավորված է «աղյալին» գիտությունների, ավելի ճիշտ՝ Հունգարիայի վաղ պատմության հետազոտման պահանջներով: Այս պարագան, անշուշտ, մեղանում ամբողջ հենակետ է սեղծել հայագիտության համար, որովհետև գրանով վերջինս պարզել է մեր «աղյալին» գիտության զարգացմանը օժանդակող գիտական կարևոր մի բնագավառ:

Բացի այդ, Հունգարիայում հայագիտության զարգացմանը նպաստում է նաև այն հանգամանքը, որ ժամանակին մեր երկրում շատ հայեր են ապրել, որոնց մեծ մասը, գլխավորապես մշտավարականները, հաստատվել են Բուդապեշտում: Առաջնահարկ էրանք ձուլվել են տեղացիների մեջ, մոտացել իրենց մայրենի լեզուն և դարձել հայկական ծագում ունեցող հունգարացիներ: Հայերը զգալի դեր են խաղացել Հունգարիայի պատմության մեջ, մասնակցել նրա պաշտպանությանը ոտար հարձակումներից: Ուստի և նրանց պատմությունը նաև մեր երկրի

պատմությունն է: Բնականաբար, մեզ համար շահագրանց կարևոր է հունգարահայ գաղթականների պատմության ուսումնասիրման գործը: Սակայն ամենազվազանը այն է, որ առանց հայ ժողովրդի, աշխարհի հնագույն ժողովուրդներից մեկի պատմության ուսումնասիրման անհնարին կլինի զաղափար կազմել արևելյան քաղաքակրթության մասին, որ առանց հայկական աղբյուրների չի կարելի ամբողջացնել Մերձավոր Արևելքի, Փոքր Ասիայի և Կովկասի բազմազարդ պատմությունը: Շատ դժվար է պատկերացնել, թե ինչպես պետականությունից շատ վաղուց զրկված, «տար բարբարոս տիրապետության տակ ընկած» մի ժողովուրդ կարողացել է ստեղծել և պահպանել այդպիսի հսկայական գրականություն, մեծ պատմագրություն, որը կարող է շարժել շատ և շատ ժողովուրդների բարի նախանձը:

Հայագիտությունը Հունգարիայում բավականին տրագիկական ունի: Գեոհա անցյալ դարում մեղանում լույս են ընծալվել հայագիտական գրքեր և «Արմենիա» անունով ամսագիր: Վերջինս Հունգարիայի լեզվով հետաքրքրական նյութեր էր հրատարակում հայերի, նրանց պատմության ու մշակույթի մասին: Սրանից վաթսուս տարի առաջ պրոֆեսոր Լուկաս Պատրուրանյան Բուդապեշտի համալսարանում վեց տարի շարունակ դասավանդել է հայոց լեզու: Սակայն նրանից հետո երկար ժամանակ այդ ուղղությամբ մեզ մոտ ոչինչ չի արվել: Նրկբորդ համալսարանային պատերազմից հետո կրկին հետաքրքրություն արթնացավ հայագիտության նը-